

आकाशवाणी

खबरां विकास शर्मा कोला

- लोकसभा नै माली बिल 2025 कीता पास, 12 लक्ख रपे तगर दी टैक्स राहत दी घोषणा कीती।
- विपक्ष दी आलोचना दे चलदे राज्यसभा च आपदा प्रबंधन बिल 2024 पर चर्चा होई।
- अल्पसंख्यक मामलें दे मंत्री किरें रिजिजू होरें आखेआ जे 2047 तगर भारत दी आत्मनिर्भरता च अल्पसंख्यकें दा योगदान बड़ा कारी दा साबत होग।
- गृह मंत्री अमित शाह होरें आखेआ जे जम्मू-कश्मीर च बक्खवाद हून इतिहास बनी चुके दा ऐ।
- युद्ध विराम दे त्रुटने मगरा लड़ाई च तेजी औने दे चलदे गाजा च इजरायली हमले च 23 लोकें दी मौत होई।
- एशियाई योगासन स्पोर्ट्स चैंपियनशिप गी दिल्ली च 25 थमां 27 अप्रैल गी करोआना परतियै तय कीता गेआ ऐ।

<><><><><><>

LS Finance Bill

लोकसभा नै माली बिल 2025 गी पास करी दिता ऐ जेदा मकसद माली बरे 2025-26 लेई केंद्र सरकार दे माली प्रस्तावें गी अमल च आहनना ऐ। माली विधेयक पर चर्चा दा परता दिंदे होई केंद्री खजाना मंत्री निर्मला सीतारमण होरें टैक्स राहत जेड़ी पैहले कदें बी नेई ही, उस पर लोहू पाई। एहदे च नमी टैक्स नीति तैहत 12 लक्ख रुपें दी आमदन तगर जीरो ओमदन टैक्स शामिल ऐ। उनें इब्बी घोषणा कीती जे नमें आमदन टैक्स विधेयक पर अगले मानसून सत्र च चर्चा होने दी मेद ऐ।

सीतारमण होरें जोर दित्ता जे खजाना बिल दा मकसद 2047 तगर विकसित भारत दे दृष्टिकोण दा समर्थन करना ऐ। इस बिल कन्नै विनिर्माण इकाइयें गी मदद ते निर्यात गी बढ़ावा थ्होग ते टैक्स संरचना गी युक्तिसंगत बनाया जाग। उनें दस्सेआ जे माली विधेयक च औद्योगिक समेयान लेई 7 सीमा शुल्क दरें गी हटाने दा प्रस्ताव ऐ ते इलैक्ट्रिक गड्डिणं दी बैटरी निर्माण गी बढ़ावा देने लेई 35 उत्पादें गी छूट प्रस्ताव शुल्क सूची च शामिल करने दा बी प्रस्ताव ऐ। बिल नै 5 बरें तगर स्टार्ट अप इनकार्पोरेशन फायदें गी बढ़ाने दा बी प्रस्ताव दित्ता ऐ जेदे च पैहली अप्रैल 2030 थमां पैहले कारोबारी इदारें गी राहत थ्होना शामिल ऐ।

<><><><><><>

RS-Disaster Management

राज्यसभा च आपदा प्रबंधन (संशोधन) बिल 2024 पर अज्ज चर्चा कीती गई। चर्चा दी शुरूआत करदे होई कांग्रेस दे नीरज डांगी होरें आखेआ जे विधेयक च पी.एम केयर्स फंड जां एहदे इस्तेमाल दे बारै च कोई जानकारी नेई दित्ती गई ऐ। सरकार दे कोविड-19 दे प्रबंधन पर उंदी टिप्पणी पर सत्ता पक्ष नै विरोध जताया। भारतीय जनता पार्टी दे बृजलाल होरें आखेआ जे आपदा प्रबंधन दी मुख जिम्मेदारी राज्य सरकारें दी ऐ। उनें आखेआ जे केंद्र सरका आपदाएं दे मामले च राज्यें गी हर मुमकन मदद मुहैया करोआंदी ऐ। बृजलाल होरें आखेआ जे आपदा संभावित खेत्तरें च तेज प्रतिक्रिया लेई राष्ट्रीय आपदा मोच बल बटालियन स्थापित कीती गई ऐ। उनें आखेआ जे केंद्र सरकारै 23 जून 2023 गी 19 राज्यें च राज्य आपदा मोचन बल-एस.डी.आर.एफ बटालियन दी स्थापना लेई 6 ज्हार 194 करोड़ रुपे दित्ते हे। तृणमूल कांग्रेस दी रीता ब्रत बनर्जी नै एनडीए शासित केंद्र सरकार पर विपक्ष शासित राज्यें दा फंड रोकने दा दोष लाया। गृह मंत्री अमित शाह होरें सोआलै दे परते च आखेआ जे आपदा प्रबंधन च असें जीरो कैजुअल्टी दा लक्ष्य रक्खेआ। मंत्री होरें आखेआ जे संसाधनें दे सर्वोच्चतम इस्तेमाल लेई असें जिम्मेदारी तय कीती। उनें आखेआ जे दुनिया च सब्भनें थमां खरा कोविड प्रबंधन भारत च होआ।

<><><><><><>

LS-Boilers Bill

लोकसभा नै बॉलर बिल 2024 पर सोच-विचार करने ते पास करने लेई रक्खेआ। एहदे कन्नै 1923 दे बायलर कनून गी रद्द करी दित्ता गेआ ऐ। इस बिल च बायलर दे नियमन, भाप बायलर दे धमाके दे खतरे थमां लोकें दी जानमाल ते जयदाद दी सुरक्षा दा प्रावधान करने दी कोशश कीती गई ऐ। एहदे अलावा देसा च बायलर दे निर्माण ते इस्तेमाल दौरान रजिस्ट्रेशन ते निरीक्षण च इकरूपता दा बी प्रावधान ऐ। कारोबार करने च सहूलियत लेई इस बिल कन्नै भलेआं लौहके, लौहके ते दरम्याने दर्जे दे उद्यमिं यानि एम.एस.एम.ई खेत्तर दे बायलर दे बरतूनकर्तां गी बी फायदा होगा।



Assembly-Bill

जम्मू-कश्मीर विधानसभा च अज्ज अखराजातें सरबंधी बिल पास कीते गए। एहदे राएं 2024-25 ते 2025-26 सरबंधी माले बरे लेई उपलब्ध फंड थवां पैसा लैने दी बत्त पदरी होई गई। मुख्ख मंत्री उमर अब्दुल्ला होरें जिंदे कश माली मैहकमे दा कम्मकाज बी ऐ, होरें दवै बिल पेश कीते। इनेंगी ध्वनि मत कन्नै पास करी दित्ता गेआ। विधानसभा नै वस्तु ते सेवा कर सरबंधी संशोधित बिल बी पेश कीता। एहदा मकसद केंद्र शासित प्रदेश दे जीएसटी कनून गी हाल च केंद्र आसेआ जीएसटी कनून 2017 च कीते गेदे संशोधन मूजब करना ऐ।



Rijiju Minorities Conference

भारत गी 2047 तगर आत्मनिर्भर राष्ट्र बनाने च अल्पसंख्यकें दा योगदान महत्वपूर्ण होगा। अल्पसंख्यक कार्य मंत्री किरिन रिजिजू होरें अज्ज नमीं दिल्ली च राज्य अल्पसंख्यकें दे इक्क सम्मेलन गी संबोधित करदे होई एहू गल्ल आक्खी। इस मौके पर श्री रिजिजू होरें अल्पसंख्यकें दी शिक्षा ते कौशल विकास गी प्राथमिकता देने दी आवश्यकता पर बल दित्ता गेआ। उनें आखेआ जे सरकार 6 अधिसूचित

समुदायें दे कल्याण आस्तै कई व्यक्तिगत योजनां चलारदी ऐ जिंदे च मुस्लिम, ईसाई, सिख, बौद्ध, जैन ते पारसी शामिल ना। श्री रिजिजू होरें राज्य अल्पसंख्यक आयोगें दी कार्यान्वयन आस्तै हर संभव वित्तीय सहायता प्रदान करने दा बी यकीन दोआया।

<><><><><><>

J&K Amit Shah

केंद्री गृह मंत्री अमित शाह होरें आखेआ जे जम्मू-कश्मीर च अलगावादवाद हुन इतिहास बनी चुके दा ऐ। उनें आखेआ जे हर्रियत कन्नै जुडे दे 2 संगठन अलगावावादी गतिविधियां छोडी चुके देन। इसी राश्ट्रीय एकता आहली भेठा इक्क गैंऽ दस्सदे होई शाह होरें सब्भनें समूहें थवां अलगाववाद गी खत्म करने दा आग्रह कीता। उनें इस बदलाव आस्तै प्रधानमंत्री नरेंद्र मोदी हुंदी अगुवाई गी श्रय दिंदे होई आखेआ जे एहू शांतिपूर्ण ते एकीकृत भारत आस्तै प्रधानमंत्री हुंदे नजरिए गी दर्शादा ऐ।

<><><><><><>

India-Pak UN

संयुक्त राश्ट्र सुरक्षा परिषद च भारत दे स्थायी प्रतिनिधि होरें शांति सुधारें पर चर्चा च पाकिस्तान दी टिप्पणिणें गी अनुचित दस्सदे होई आखेआ ऐ जे इयै नेई गल्लें कन्नै पाकिस्तान बन्ने पारा सोयां प्रायोजित आतंकवाद गी सेई नेई ठहराई सकदा। उनें आखेआ जे इयां करियै ओहू अपने दावें गी बी वैध ठहराई सकदा। भारत दे स्थाई नुमाइंदें पी. हरीश होरें आखेआ जे पाकिस्तान नै जम्मू-कश्मीर दे इक हिस्से पर गैर कनूनी तरीके कन्नै कब्जा कीते दा ऐ ते पाकिस्तान गी इसी खाली करना चाइदा। भारत नै आखेआ जे जम्मू-कश्मीर मुल्ख दा अनत्रुट हिस्सा ऐ ते म्हेशां बने दा रौहगा।

<><><><><><>

Kathua-Search Operation

कठुआ जिले दे हीरानगर सैक्टर च घुसपैठ करने आहले आतंकवादिं गी फगड़ने लेई व्यापक तपाशी अभियान अज्ज त्रीए रोज बी जारी ऐ। पुलस महानिदेशक नलिन प्रभात हुंदी अगुवाई च एह अभियान ऐतवारें सरयाल गांऽ च चलाया गेआ हा जित्थे आतंकवादी इक नर्सरी च छप्पे दे हे। सुरक्षाबलें ते आतंकवादिं बश्कार टाकरा होआ हा जेदे मगरा एह तपाशी अभियान चलाया गेआ। सेना दे हेलीकाप्टर, ड्रोन, खोजी कुत्ते ते हथियारें कन्नै लेस कमांडो गी अभियान च लाया गेआ ऐ। आतंकवादी मन्नेजजा जा रदा ऐ जे बन्ने पारा थवां खड्डु जां फी सुरंग राएं इत्त भेठा आए हे। सुरक्षाबलें ते आतंकवादिं बश्कार गोलीबारी बी होई ही।

<><><><><><>

Gaza-Israel

गाजा पट्टी च अज्ज होए दे इजरायली हमले च घट्टोघट्ट 23 फिलीस्तीनी मारे गे। फिलीस्तीनी अधिकारिं मूजब गाजा च हमास दे खलाफ इजरायली सेना दा अभियान दोबारा शुरू होने दे बाद करीब 700 लोक मारे गेन। इजराइल दे ताजा हमलें कारण दो म्हीनें दा संघर्ष विराम टुट्टी गेआ ऐ। इजरायली सेना नै सब्बै उत्तरी सीमावर्ती शैहरें दे ज्हारें लोकें गी पूरा इलाका खाली करने दा आदेश दित्ता ऐ। प्रभावित शैहरें च गाजा शहर, जबालिया, बेत लाहिया, बेत हनून ते शेजिया शामिल ना दक्षिण च खान यूनिस ते राफा आस्तै बी आदेश जारी कीते गेन। इजराइल दे प्रधानमंत्री बेन्यामिन नेतन्याहू होरें आखेआ ऐ जे नमें सिरेआ कीते गेदे हमलें दा उद्देश्य शेष 59 बंधकें दी रिहाई आस्तै हमास पर दबाऽ पाना ऐ।

<><><><><><>

Afghan Education Ban

संयुक्त राष्ट्र नै खबरदार कीता ऐ जे लगातार त्रीए बरे कुडिं लेई माध्यमिक शिक्षा पर रोक लाने दे माड़े नतीजे होंगन। एह बयान उस्सलै दित्ता गेआ जे जिस्सलै अफगानिस्तान च नमी शैक्षणिक बरा शुरू होआ रदा ऐ। जेदे चलदे माध्यमिक ते उच्च शिक्षा संस्थान अजें बी तालीबान शासन तैहत इक होर बरे लेई महिलाएं लेई बंद ऐ संयुक्त राष्ट्र महिलाएं दी कार्यकारी निदेशक सीमा बाहौस होरें

आखेआ जे अफगान कुडिएं गी नमें स्कूली बरें दी शुरूआत कन्नै गै स्कूलें च वापसी करनी होग ते उनेंगी पढाई थमां दूर रखना उन्दे हक हकूकें दा साफ उल्लंघन ऐ।



Sports-Khelo India

युवा सेवा ते खेड्डू मंत्री सतीश शर्मा होरें आखेआ ऐ जे सरकारै खेलो इंडिया स्कीम तैहत बरे 2018-19 च 14 करोड़ 75 लकख रपे दे 4 प्रोजैक्टें लेई जारी कीते जिंदे चा अजें तगर 13 करोड़ 67 लकख रपे खर्च कीते जाई चुके देन। 2 परियोजनां श्रीनगर ते जम्मू च सिंथेटिक हॉकी टर्फ दा कम्म मुकम्मल ऐ जिसलै कि होरनें दुए जियां सोपोर च एथलेटिक ट्रैक, बडगाम च इंडोर स्पोर्ट्स हाल दा कम्म जारी ऐ। मंत्री होरें साफ कीता जे खेलो इंडिया स्कीम केंद्र प्रायोजित स्कीम ऐ ते एहदे तैहत प्रदेश स्थाबै पैसा दित्ता जंदा ऐ नां कि हल्के स्थाबै।



Asian-Yogasana Sports

एशियाई योगासन स्पोर्ट्स चैंपियनशिप दे दुए संस्करण गी 29 थमां 31 मार्च दी पैहले थमां गै तय तरीकें दे बजाय दिल्ली च 25 थमां 27 अप्रैल 2025 गी परतियै होना तय कीता गेआ ऐ। इस बदलाव कन्नै तैयारियें दा मता समां मंगने आहली राश्ट्रीय टीमें गी समायोजित कीता जंदा ऐ ते रमजान कन्नै तालमेल बनाई रक्खेआ जंदा ऐ। युवा मामलें ते खेड्डू मंत्रालय ते योगासन भारत आस्सेया आयोजित इस प्रतियोगिता च घट्टोघट्ट 16 मुखें दे शीर्ष खडारी शामिल होंगन जेडे अपनी ताकत लचीलेपन ते अद्भुत प्रदर्शन दी नुमाइश करंगन। इस चैंपियनशिप दा मकसद योगासन गी अंतरराश्ट्रीय सतर पर बढावा देना ते कन्नै गै इसदी संस्कृति गी सम्मानित करना ऐ।



Nitin-Gadkari

केंद्री सडक परिवहन ते राजमार्ग मंत्री नितिन गडकरी होरें आखेआ ऐ जे देसा च सडक हादसे च 60 फीसदी शा मती मौत 18 शा 45 बरें दी उम्मी दे समूह च होंदी ऐ। मंत्री होरें एहू गल्ल सडक सुरक्षा सरबंधी इक कार्जक्रम गी नमीं दिल्ली च संबोधित करदे होई आक्खी।

<><><><><><>

Jitendra-TB

केंद्री

<><><><><><>

Environment-Conference

पर्यावरण

<><><><><><>

PM-MKB

प्रधानमंत्री

<><><><><><>

Chouhan-Onion

राईबाई

<><><><><><>

Kamra-FIR

मुम्बई

<><><><><><>

IPL

आईपीएल

<><><><><><>

CM-Militancy

मुख्यमंत्री

<><><><><><>

CM-IB Fencing

मुख्यमंत्री

<><><><><><>

Mumbai-Fire

मुम्बई

<><><><><><>

UP-CM

उत्तर

<><><><><><>